




Manu Inan no Milipede

 Winny Asara

 Magriet Brink

 Aurelio da Costa

 3

 Tetun



Manu Inan no Milipede kolega di'ak. Maibé sira rua sempre kompete malu. Loron ida sira deside atu joga bola hodi haree se mak jogador di'ak tebes.



Sira ba iha kampu tebe bola nian no komesa sira nia jogu. Manu inan lalais liu. Manu inan tebe bola dook, maibé Milipede tebe dook liu-fali. Manu inan komesa sente iritadu.




Sira deside atu joga penaltu. Uluk nanain Milipede mak sai baliza. Manu inan hatama golu ida de'it. Depois Manu inan nia tempu atu defende golu.



Milipede tebe bola no hatama golu. Milipede kedok no lori bola ba oin no hatama golu. Milipede ba kabesa bola no hatama golu. Milipede hatama golu lima.



Manu inan nervozu tamba nia lakon. Nia lakon aat.
Milipede komesa hamnasa tanba nia kolega hirus
no lamenta.



Manu inan hirus tebes ne'ebé nia loke ninia ibun
luan no tolan tiha milipede.



Bainhira manu inan la'o fila uma, nia hasoru milipede nia inan. Milipede nia inan husu, "O haree ha'u nia oan ka?" Manu inan ne'e la dehan buat ida. Milipede nia inan sente preukupadu.



Depois milipede nia inan rona lian ki'ik ida. "Ajuda ha'u ama!" lian ne'e husu ho dezesperadu. Milipede nia inan hateke ba mai no rona didi'ak. Lian ne'e mai husi manu inan nia laran.



Milipede ninia inan hakilar, “Uza o nia forsa esepiál ha’u nia oan!” Milipede bele halo iis dois no a gustu horrivel ida. Manu inan komesa sente moras.



Manu inan arota. Hafoin nia tafui sai. Depois nia fani no me'ar. No me'ar. Milipede ne'e horrivel!



Manu inan me'ar to'o me'ar sai milipede ne'ebé iha ninia kabun laran. Milipede ninia inan no oan dolar sa'e ai-hun ida atu subar.




Husi momentu ne'e kedas, manu no milipede sira sai inimigu.



Global Storybooks

globalstorybooks.net

Manu Inan no Milipede

 Winny Asara

 Magriet Brink

 Aurelio da Costa

